


THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

FEB 20 1957

8

T855/4241



仁義禮智信也。仁者人也。義者宜也。禮者節也。智者知也。信者誠也。此五者。君子之所當有也。孟子曰。仁者。人心也。義者。天理也。禮者。節文也。智者。明也。信者。實也。此五者。君子之所當有也。孟子曰。仁者。人心也。義者。天理也。禮者。節文也。智者。明也。信者。實也。此五者。君子之所當有也。

仁義禮智信也。仁者人也。義者宜也。禮者節也。智者知也。信者誠也。此五者。君子之所當有也。孟子曰。仁者。人心也。義者。天理也。禮者。節文也。智者。明也。信者。實也。此五者。君子之所當有也。

告子章句上十論附後

哈佛大學
哈佛燕京
圖書館
珍藏印

告子曰性猶杞柳也義猶桮棬也胡說以人性為

仁義猶以杞柳為桮棬孟子曰子能順杞

柳之性而以為桮棬乎將戕賊杞柳而後

以為桮棬也如將戕賊杞柳而以為桮棬

則亦將戕賊人以為仁義與結得斬截率天下之人

而禍仁義者必子之言夫

告子曰性猶湍水也決諸東方則東流決諸

快

了
晉人

西方則西流人性之無分於善不善也猶
 水之無分於東西也孟子曰水信無分於
 東西無分於上下乎人性之善也猶水之
 就下也人無有不善水無有不下今夫水
 搏而躍之可使過顙激而行之可使在山
 是豈水之性哉其勢則然也人之可使為
 不善其性亦猶是也

告子曰生之謂性孟子曰生之謂性也猶白

三反覆
 如層崖

斷岸

可曰然
 處其真
 糊塗

之謂白與曰然白羽之白也猶白雪之白
 白雪之白猶白玉之白與曰然然則犬之
 性猶牛之性牛之性猶人之性與

告子曰食色性也仁內也非外也義外也非

內也孟子曰何以謂仁內義外也曰彼長

而我長之非有長於我也猶彼白而我白

之從其白於外也故謂之外也曰異於白

馬之白也無以異於白人之白也不識長

馬之長也無以異於長人之長與且謂長者義乎長之者義乎曰吾弟則愛之秦人之弟則不愛也是以我為悅者也故謂之內長楚人之長亦長吾之長是以長為悅者也故謂之外也引喻以折曰者秦人之多無以異於者吾多夫物則亦有然者也前只辯義字故只然則者多亦用外字結有外與

孟季子問公都子曰何以謂義內也曰行吾

反覆折
難

敬故謂之內也鄉人長於伯兄一歲則誰

敬曰敬兄酌則誰先曰先酌鄉人所敬在

此所長在彼果在外非由內也公都子不

能答以告孟子孟子曰敬叔父乎敬弟乎

彼將曰敬叔父曰弟為尸則誰敬彼將曰

敬弟子曰惡在其敬叔父也彼將曰在位

故也子亦曰在位故也庸敬在兄斯須之

敬在鄉人季子聞之曰敬叔父則敬敬弟

則敬果在外非由內也公都子曰冬日則飲湯夏日則飲水然則飲食亦在外也

之引前語證

再

餘結終反結一句與諸天句法同

公都子曰告子曰性無善無不善也或曰性可以為善可以為不善是故文武興則民好善幽厲興則民好暴或曰有性善有性不善是故以堯為君而有象以瞽瞍為父而有舜以紂為兄之子且以為君而有微子啓王子比干今日性善然則彼皆非與

善言性
善妙妙

孟子曰乃若其情則可以為善矣乃所謂善也若夫為不善非才之罪也惻隱之心人皆有之羞惡之心人皆有之恭敬之心人皆有之是非之心人皆有之惻隱之心仁也羞惡之心義也恭敬之心禮也是非之心智也仁義禮智非由外鑠我也我固有之也弗思耳矣故曰求則得之舍則失之或相倍蓰而無筭者不能盡其才者也

波瀾

再疊

應才字

好文章

以非殊字
變作同字
又以同字
變作似字
三轉精神
際然分作

詩曰天生蒸民有物有則民之秉夷好是
懿德孔子曰為此詩者其知道乎故有物
必有則民之秉夷也故好是懿德

孟子曰富歲子弟多賴凶歲子弟多暴非天

之降才爾殊也其所以陷溺其心者然也

今夫麴麥播種而耰之其地同樹之時又

同淳然而生至於日至之時皆熟矣雖有

不同則地有肥磽雨露之養人事之不齊

波瀾轉

自富歲子
弟多賴登
轉為麴麥
又轉為口
耳凡七節
反覆辨未
及正事如
駿馬下坡
坂高屋建
瓴水勢不
可遏只是

也故凡同類者舉相似也何獨至於人而

疑之聖人與我同類者故龍子曰不知足

而為屨我知其不為蕢也屨之相似天下

之足同也口之於味有同者也易牙先得

我口之所耆者也如使口之於味也其性

與人殊若犬馬之與我不同類也則天下

何耆皆從易牙之於味也至於味天下期

於易牙是天下之口相似也惟耳亦然至

至於心獨
無所同然
乎一句幹
轉筆力
萬鈞

於聲天下期於師曠是天下之耳相似也
惟目亦然至於子都天下莫不知其姣也
不知子都之姣者無目者也故曰口之於
味也總有同者焉耳之於聲也段有同聽焉目
之於色也方有同美焉至於心獨無所同然
乎心之所同然者何也謂理也義也聖人
先得我心之所同然耳故理義之悅我心
猶芻豢之悅我口又口字結

山水良心
兩段對說
感慨有味

孟子曰牛山之木嘗美矣以其郊於大國也
斧斤伐之可以為美乎是其日夜之所息
而露之所潤非無萌蘖之生焉牛羊又從
而牧之是以若彼濯濯也人見其濯濯也
以為未嘗有林焉此豈山之性也哉雖存
乎人者豈無仁義之心哉其所以放其良
心者亦猶斧斤之於木也旦旦而伐之可
以為美乎其日夜之所息平旦之氣其好

孟子
下卷六
六一
大來山房

惡與人相近也者幾希則其旦晝之所為
 有桔亡之矣桔之反覆則其夜氣不足以
 存夜氣不足以存則其違禽獸不遠矣人
 見其禽獸也而以爲未嘗有才焉者是豈
 人之情也哉故苟得其養無物不長苟失
 其養無物不消孔子曰操則存舍則亡出
 入無時莫知其鄉惟心之謂與
 孟子曰無或乎王之不智也雖有天下易生

證第一

三句引證一本意

就入喻

提一句

之物也一日暴之十日寒之未有能生者

入三語繳

湊上文

也吾見亦罕矣吾退而寒之者至矣吾如
 有萌焉何哉今夫弈之爲數小數也不專
 心致志則不得也弈秋通國之善弈者也

使弈秋誨二人弈其一人專心致志惟弈
 秋之爲聽一人雖聽之一心以爲有鴻鵠

將至思援弓繳而射之雖與之俱學弗若
 之矣爲是其智弗若與曰非然也

盡

不卷之卷

含蓄意却

在前亦是

一結

好沈得

孟子曰魚起我所欲也熊掌亦我所欲也二者不可得兼舍魚而取熊掌者也生亦我所欲也就承分折上意二者不可得兼舍生而取義者也就承分折上意生亦我所欲所欲有甚於生者故不為苟得也死亦我所惡所惡有甚於死者故患有所不辟也反如使人之所欲莫甚於生則凡可以得生者何不用也使人之所惡莫甚於死者則凡可以辟患者

好沈得

何不為也又歸正由是則生而有不用也由是則可以辟患而有不為也進一是故所欲有甚於生者所惡有甚於死者非獨賢者有是心也人皆有之賢者能勿喪耳引證一簞食一豆羹得之則生弗得則死嗚爾而與之行道之人弗受蹴爾而與之乞人不屑也預控萬鍾則不辨禮義而受之萬鍾於我何加焉為宮室之美妻妾之奉所識窮乏者得我與

鄉為身死而不受，今為宮室之美為之鄉。
 為身死而不受，今為妻妾之奉為之鄉。
 為身死而不受，今為所識窮乏者得我而為。
 之是亦不可以已乎？此之謂失其本心。
 孟子曰：仁，人心也；義，人路也。舍其路而不由，
 放其心而不知求，哀哉！人有雞犬放，則知
 求之；有放心而不知求，學問之道無他求，
 其放心而已矣。

好指點得

孟子曰：今有無名之指，屈而不信，非疾痛害
 事也。如有能信之者，則不遠秦楚之路，為
 指之不若人也。指不若人，則知惡之心不
 若人，則不知惡。此之謂不知類也。
 孟子曰：拱把之桐梓，人苟欲生之，皆知所以
 養之者；至於身而不知所以養之者，豈愛
 身不若桐梓哉？弗思甚也。

挑發得好

養也無尺寸之膚不愛焉則無尺寸之膚
 不養也所以考其善不善者豈有他哉於
 已取之而已矣添出、貴、賤、大、小、解、善、與、不、善
 害大無以賤害貴養其小者為小人養其
 大者為大人兩段、引、喻、又、以、後、證、前今有場師舍其梧櫝養其楨
 棘則為賤場師焉養其一指而失其肩背
 而不知也則為狼疾人也兩段、一、意、一、揚飲食之人則人
 賤之矣抑、結為其養小以失大也飲食之人無

有失也則口腹豈適為尺寸之膚哉

公都子問曰鈞是人也或為大人或為小人

何也孟子曰從其大體為大人從其小體

為小人曰鈞是人也或從其大體或從其

小體何也曰耳目之官不思而蔽於物物

交物則引之而已矣正心之官則思思則得

之不思則不得也此天之所以與我者先

立乎其大者則其小者不能奪也此為大

人而已矣

孟子曰有天爵者有人爵者仁義忠信樂善

不倦此天爵也公卿大夫此人爵也一段終

人脩其天爵而人爵從之反今之人脩其天

爵以要人爵既得人爵而棄其天爵則惑

之甚者也終亦必亡而已矣

孟子曰欲貴者人之同心也人人有貴於已

者思耳人之所貴者非良貴也趙孟之

所貴趙孟能賤之詩云既醉以酒既飽以

德言飽乎仁義也所以不願人之膏梁之

味也令聞廣譽施於身所以不願人之文

繡也

孟子曰仁之勝不仁也猶水勝火今之為仁

者猶以一杯水救一車薪之火也不熄則

謂之水不勝火此又與於不仁之甚者也

亦終必亡而已矣

疾人

孟子曰五穀者種之美者也苟為不熟不如
荑稗夫仁亦在乎熟之而已矣

孟子曰羿之教人射必志於穀學者亦必志

於穀大匠誨人必以規矩學者亦必以規

矩

論率天下之人而禍仁義

只是人都認仁義為非性而不肯為仁義
便是禍看起來還是禍人不能禍仁義也
曰禍仁義者文章耳

論仁內

告子不獨義外不是而仁內之言尤不是
若仁義分得內外是塊然一物矣非性之
德也善乎顧涇陽之言曰孟子曰告子未
嘗知義以其外之也吾亦曰告子未嘗知
仁以其內之也

論乃若其情則可以為善矣乃所謂善

也若夫為不善非才之罪也

孟子此等指點分明將性善畫出緣何反
以孟子止言情善未言性善也執泥言辭
世上真不乏
此駁鈍漢

論情性才

性根也。情萌芽也。才生意也。

論聖人與我同類者

此處比人皆可以為堯舜。又說得親切。蓋人皆可以為堯舜。猶以堯舜作主。而以我為之。聖人與我同類者。直以我作主。而以聖人同之。非更親切乎。人亦可以無疑矣。聖人先得我心之所同然耳。亦此意而芻豢二語。尤說得津津有味。非經歷之人不能道也。通篇文字亦甚委宛。

論以其郊于大國也

此句最要。着眼斧斤牛羊之所自來也。吾人亦有為大國者在。人試考之。善乎老子之言曰。不見可欲。使心不亂。亦避大國之意也。

論萬鍾于我何加焉

極說得妙。人要認得我。明白我自有所。為我者在。有此萬鍾。不加無此萬鍾。不損亦非。謂我決不可有此萬鍾也。只要辨禮義耳。如其禮義萬鍾于我。又何損焉。

論學問之道無他求其放心而已矣

此二語。只欲人求放心耳。不必把學問之道。在內纏擾。玩上文自得之。

論先立乎其大者

問如何為先立乎其大曰思是也勿為所
為思曰目之于色也耳之于聲也
引使是思且思則得之得此
恁麼來思之思之當自知也

論夫仁亦在乎熟之而已矣

論如何為熟仁曰強恕而行雖生也反身而
誠孰也然強恕而行雖生也若要熟也須
從這
裡過

告子章句下

九論
附後

任人有問屋廬子曰禮與食孰重曰禮重色

與禮孰重曰禮重曰以禮食則飢而死不

以禮食則得食必以禮乎親迎則不得妻

不親迎則得妻必親迎乎屋廬子不能對

明日之鄒以告孟子孟子曰於答是也何

有不揣其本而齊其末方寸之木可使高

於岑樓金重於羽者豈謂一鈎金與一輿

任人。來打破。我家一。禮字亦。異端也。

羽之謂哉取食之重者與禮之輕者而比
 之奚翅食重取色之重者與禮之輕者而
 比之奚翅色重往應之曰紵兄之臂而奪
 之食則得食不紵則不得食則將紵之乎
 踰東家牆而撻其處子則得妻不撻則不
 得妻則將撻之乎

曹交問曰人皆可以為堯舜有諸孟子曰然
 交聞文王十尺湯九尺今交九尺四寸以

長食粟而已如何則可曰奚有於是亦為
 之而已矣有人於此力不能勝一匹雛則
 為無力人矣今日舉百鈞則為有力人矣
 然則舉烏獲之任是亦為烏獲而已矣夫
 人豈以不勝為患哉弗為耳徐行後長者
 謂之弟疾行先長者謂之不弟夫徐行者
 豈人所不能哉所不為也堯舜之道孝弟
 而已矣子服堯之服誦堯之言行堯之行

固字的
是說詩
家大病
也

是堯而已矣。子服桀之服，誦桀之言，行桀
之行，是桀而已矣。曰：交得見於鄒君，可以
假館，願留而受業於門。曰：夫道若大路然，
豈難知哉？人病不求耳。子歸而求之，有餘
師。

公孫丑問曰：高子曰：小弁，小人之詩也。孟子
曰：何以言之？曰：怨曰：固哉！高叟之為詩也。
有人於此，越人關弓而射之，則已談笑而

道之無他，疏之也。其兄關弓而射之，則已
垂涕泣而道之無他，戚之也。小弁之怨親
親也，親親仁也，固矣。夫高叟之為詩也，曰
凱風，何以不怨？曰：凱風，親之過小者也。小
弁親之過大者也，親之過大而不怨，是愈
疏也。親之過小而怨，是不可磯也。愈疏不
孝也，不可磯亦不孝也。孔子曰：舜其至孝
矣，五十而慕。

紹孝字

宋將之楚孟子遇於石丘曰先生將何之
 曰吾聞秦楚構兵我將見楚王說而罷之
 楚王不悅我將見秦王說而罷之二王我
 將有所遇焉曰軻也請無問其詳願聞其
 指說之將何如曰我將言其不利也曰先
 生之志則大矣先生之號則不可峻折先生以
 利說秦楚之王秦楚之王悅於利以罷三
 軍之師是三軍之士樂罷而悅於利也為

人臣者懷利以事其君為人子者懷利以
 事其父為人弟者懷利以事其兄是君臣
 父子兄弟終去仁義懷利以相接然而不
 亡者未之有也先生以仁義說秦楚之王
 秦楚之王悅於仁義而罷三軍之師是三
 軍之士樂罷而悅於仁義也為人臣者懷
 仁義以事其君為人子者懷仁義以事其
 父為人弟者懷仁義以事其兄是君臣父

子兄弟去利懷仁義以相接也然而不王
者未之有也何必曰利句就結

孟子居鄒季任為任處守以幣交受之而不
報處於平陸儲子為相以幣交受之而不
報他日由鄒之任見季子由平陸之齊不
見儲子屋廬子喜曰連得聞矣問曰夫子
之任見季子之齊不見儲子為其為相與
答不結曰非也書曰享多儀儀不及物曰不享惟

不役志於享為其不成享也屋廬子悅或
問之屋廬子曰季子不得之鄒儲子得之
平陸

淳于髡曰先名實者為人後名實者自為

也夫子在三卿之中名實未加於上下而

去之仁者固如此乎孟子曰居下位不以

賢事不肖者伯夷也五就湯五就桀者伊

尹也不惡汚君不事小官者柳下惠也三

妙論

四書
子者不同道其趨一也一者何也曰仁也
君子亦仁而已矣何必同曰魯繆公之時
公儀子為政子柳子思為臣魯之削也滋
甚若是乎賢者之無益於國也曰虞不用
百里奚而亡秦穆公用之而霸不用賢則
亡削何可得與曰昔者王豹處於淇而河
西善謳縣駒處於高唐而齊右善歌華周
杞梁之妻善哭其夫而變國俗有諸內必

形諸外為其事而無其功者髡未嘗覩之
也是故無賢者也有則髡必識之曰孔子
為魯司寇不用從而祭燔肉不至不稅冕
而行不知者以為為肉也其知者以為為
無禮也乃孔子則欲以微罪行不欲為苟
去君子之所為眾人固不識也
孟子曰五霸者三王之罪人也今之諸侯五
霸之罪人也今之大夫今之諸侯之罪人

孟子下卷六 十九 大來山房

三段整正
齊莊重
錯縱古
語氣勢
甚稱

也。天子適諸侯曰巡，狩諸侯朝於天子曰述職。春省耕而補不足，秋省斂而助不給。入其疆，土地辟，田野治，養老尊賢，俊傑在位，則有慶；慶以地入其疆，土地荒蕪，遺老失賢，掎克在位，則有讓；一不朝則貶其爵，再不朝則削其地，三不朝則六師移之，是故天子討而不伐，諸侯伐而不討。五霸者，樓諸侯以伐諸侯者也。故曰：五霸者，三王之

之罪人也。五霸桓公為盛，葵丘之會，諸侯束牲載書而不歃血。初命曰：誅不孝，無易樹子，無以妾為妻，再命曰：尊賢育才，以彰有德。三命曰：敬老慈幼，無忘賓旅。四命曰：士無世官，官事無攝，取士必得，無專殺大夫。五命曰：無曲防，無遏糴，無有封而不告。曰：凡我同盟之人，既盟之後，言歸于好。今之諸侯皆犯此五禁，故曰：今之諸侯，五霸

之罪人也。長君之惡其罪小，逢君之惡其罪大。今之大夫皆逢君之惡，故曰：今之大夫，今之諸侯之罪人也。

魯欲使慎子為將軍，孟子曰：不教民而用之，謂之殃民。殃民者，不容於堯舜之世。一戰勝齊，遂有南陽，然且不可。慎子勃然不悅，曰：此則滑釐所不識也。曰：吾明告子。天子之地方千里，不千里不足以待諸侯；諸侯之地方百里，不百里不足以守宗廟之典。

籍周公之封於魯為方百里也，地非不足，而儉於百里；太公之封於齊也，亦為方百里也，地非不足也，而儉於百里。今魯方百里者，五子以為有王者作，則魯在所損乎？在所益乎？徒取諸彼以與此，然且仁者不為。況於殺人以求之乎？君子之事君也，務引其君以當道，志於仁而已。

○絕前○三○段○結
○開○示○一○略

孟子曰今之事君者曰我能為君辟土地克
 府庫今之所謂良臣古之所謂民賊也君
 不鄉道不志於仁而求富之是富桀也我
 能為君約與國戰必克今之所謂良臣古
 之所謂民賊也君不鄉道不志於仁而求
 為之強戰是輔桀也由今之道無變今之
 俗雖與之天下不能一朝居也 痛快直截

白圭曰吾欲二十而取一何如孟子曰子之

道貉道也截上生下萬室之國一人陶則可乎曰不

可器不足用也曰夫貉五穀不生惟黍生

之無城郭宮室宗廟祭祀之禮無諸侯幣

帛饗飧無百官有司故二十取一而足也

今居中國去人倫無君子如之何其可也

陶以寡且不可以為國況無君子乎欲輕

之於堯舜之道者大貉小貉也欲重之於

堯舜之道者大桀小桀也

甚痛快之

四書

二五九

白圭曰丹之治水也愈於禹孟子曰子過矣
 禹之治水水之道也是故禹以四海為壑
 今吾子以鄰國為壑水逆行謂之洚水洚
 水者洪水也仁人之所惡也吾子過矣
 孟子曰君子不亮惡乎執不亮字可思
 魯欲使樂正子為政孟子曰吾聞之喜而不
 寐公孫丑曰樂正子強乎曰否有知慮乎
 曰否多聞識乎曰否然則笑為喜而不寐
三反三覆
又一反覆

痛快

曰其為人也好善好善足乎曰好善又進一步
 天下而況魯國乎夫苟好善則四海之內
 皆將輕千里而來告之以善夫苟不好善
 則人將曰訑訑予既已知之矣訑訑之聲
 音顏色距人於千里之外士止於千里之
 外則讒諂面諛之人至矣與讒諂面諛之
 人居國欲治可得乎君之所以擇相與相之
所以事君俱可知也
 陳子曰古之君子何如則仕孟子曰所就三

孟子下卷六

二十三

大來山房

所去三迎之致敬以有禮言將行其言也
 則就之禮貌未衰言弗行也則去之其次
 雖未行其言也迎之致敬以有禮則就之
 禮貌衰則去之其下朝不食夕不食飢餓
 不能出門戶君聞之曰吾大者不能行其
 道又不能從其言也使飢餓於我土地吾
 恥之周之亦可受也免死而已矣

成何世界
不忍言矣

者下字
處

孟子曰舜發於畎畝之中傳說舉於版築之

真真

間膠鬲舉於魚鹽之中管夷吾舉於士孫
 叔敖舉於海百里奚舉於市故天將降大
 任於是人也必先苦其心志勞其筋骨餓
 其體膚空乏其身行拂亂其所為所以動
 心忍性曾益其所不能人恒過然後能改
 困於心衡於慮而後作徵於色發於聲而
 後喻入則無法家拂士出則無敵國外患
 者國恒亡然後知生於憂患而死於安樂

三段承

又一步

就結

孟子下卷六

孟

大來山房

也。

孟子曰教亦多術矣予不屑之教誨也者是亦教誨之而已矣

論屋廬子不能對

觀其上面兩個禮重胸中儘井井但任人設問一時不能對他故曰屋廬子不能對也蓋能了了于心未能了了于口也非謂其真疑食色之重心也再看下面于答是也何有更了然

論孝弟而已矣

此語極妙向來都以此盡堯舜之道固無不是但失一時對面語意孟子蓋說歸實地也意謂勿看堯舜之道太遠了只孝弟而已矣汝欲為堯舜亦為孝弟耳

論是堯而已矣及是桀而已矣

意謂子若孝弟便是堯不孝不弟便是桀即申前語意以致可寧也只欲其為之而已矣

論豈難知哉

前面已說不為字又恐其盲修瞎做此處特特又拈个知字知則無不為矣人之不為者苦不知下蓋子之于曹交真个聖其成佛也

論終去仁義

或問去利只說去利去仁義加一終字何也曰利所本無也仁義所固有也去本無者去之而已固有何可去乎故曰終去者鄭重之辭痛惜之語

論連得間矣

喜其請教有地也不可認作捉破綻也不如今之刻薄小人專喜人有漏孔視人之失如已之得也

論淳于髡

髡于此處不成話亦不成人孟子亦未見英氣然君子之所為眾人固不識也二語

亦殺他了可笑淳于髡欲以為肉之見而論微罪之心真肉眼也真肉眼也然今天下豈止一淳于髡而已乎

論華周杞梁之妻善哭其夫而變國俗

只是因此而夫婦之情愈篤便是變國俗了不必說人人善哭也不然安得人人而喪其夫乎

論孔子則欲以微罪行不欲為苟去

此見孔子立心忠厚寧可自家担一個不是而欲為無故而去也微罪還是自家担不是不是顯其君相之失蓋燔肉不至小事也乃不稅冕而行毋乃太過

四書印
乎此所云
微罪也

盡心章句上

二十四論附後

孟子曰盡其心者知其性也知其性則知天矣存其心養其性所以事天也夭壽不貳脩身以俟之所以立命也

正說

翻出去

孟子曰莫非命也順受其正是故知命者不

立乎巖牆之下盡其道而死者正命也桎

梏死者非正命也

如何為桎梏死

孟子曰求則得之舍則失之是求有益於得

也。求在我者，也。求之有道，得之有命，是求無益於得也。求在外者，也。不說破又說破

孟子曰：萬物皆備於我矣。反身而誠，樂莫大焉。強恕而行，求仁莫近焉。

孟子曰：行之而不著焉，習矣而不察焉，終身由之而不知其道者，眾也。可憐可憐

孟子曰：人不可以無恥。無恥之恥，無恥矣。孟子曰：恥之於人大矣。為機變之巧者，無所

用恥焉。不恥不若人，何若人有。

孟子曰：古之賢王好善而忘勢，古之賢士何

獨不然？樂其道而忘人之勢，故王公不致

敬，盡禮則不得亟。見之見，且猶不得亟而

況得而臣之乎？

孟子謂宋句踐曰：子好遊乎？吾語子遊。人知

之亦囂囂，人不知亦囂囂。曰：何如？斯可以

囂囂矣。曰：尊德樂義，則可以囂囂矣。故士

窮不失義，達不離道。窮不失義，故士得已焉。達不離道，故民不失望焉。古之人，得志，澤加于民；不得志，脩身見於世。窮則獨善，其身；達則兼善天下。

孟子曰：待文王而後興者，凡民也。若夫豪傑之士，雖無文王猶興。

要知他不是實話

孟子曰：附之以韓魏之家，如其自視欿然，則過人遠矣。

孟子曰：以佚道使民，雖勞不怨；以生道殺民，雖死不怨殺者。

真

孟子曰：霸者之民，驩虞如也；王者之民，皞皞如也。殺之而不怨，利之而不庸，民日遷善而不知為之者，夫君子所過者化，所存者神，上下與天地同流，豈曰小補之哉。

孟子曰：仁言不如仁聲之入人深也。善政不如善教之得民也。善政，民畏之；善教，民愛之。

之善政得民財善教得民心

孟子曰人之所不學而能者其良能也所不

慮而知者其良知也孩提之童無不知愛

其親也及其長也無不知敬其兄也親親

仁也敬長義也無他達之天下也

孟子曰舜之居深山之中與木石居與鹿豕

遊其所以異於深山之野人者幾希及其

聞一善言見一善行若決江河沛然莫之

能禦也

孟子曰無為其所不為無欲其所不欲如此

而已矣

孟子曰人之有德慧術知者恒存乎疾疾獨

孤臣孽子其操心也危其慮患也深故達

孟子曰有事君人者事是君則為容悅者也

有安社稷臣者以安社稷為悅者也有天

民者達可行於天下而後行之者也有大

總是說
仁義性
至正

褒贊法

結

承

人者正己而物正者也。畢竟還當為大人

孟子曰君子有三樂而王天下不與存焉父

母俱存兄弟無故一樂也仰不愧於天俯

不忤於人二樂也得天下英才而教育之

三樂也君子有三樂而王天下不與存焉

孟子曰廣土眾民君子欲之所樂不存焉中

天下而立定四海之民君子樂之所性不

存焉君子所性雖大行不加焉雖窮居不

孟子自說

損焉分定故也君子所性仁義禮智根於心其生色也晬然見於面盎於背施於四體四體不言而喻孟子自說

孟子曰伯夷辟紂居北海之濱聞文王作興

曰盍歸乎來吾聞西伯善養老者大公辟

紂居東海之濱聞文王作興曰盍歸乎來

吾聞西伯善養老者天下有善養老者則仁

人以為已歸矣五畝之宅樹牆下以桑匹

欲考七年為政者考之此而已

婦蠶之則老者足以衣帛矣五母雞二母
彘無失其時老者足以無失肉矣百畝之
田匹夫耕之八口之家可以無飢矣所謂
即上文綴前語西伯善養老者制其田里教之樹畜導其
妻子使養其老五十非帛不煖七十非肉
不飽不煖不飽謂之凍餒文王之民無凍
餒之老者此之謂也

孟子曰易其田疇薄其稅斂民可使富也食

見乎

之以時用之以禮財不可勝用也民非水
火不生活昏暮叩人之門戶求水火無弗
與者至足矣聖人治天下使有菽粟如水
智綴語火菽粟如水火而民焉有不仁者乎

孟子曰孔子登東山而小魯登太山而小天
下故觀於海者難為水遊於聖人之門者
難為言觀水有術必觀其瀾日月有明容
光必照焉流水之為物也不盈科不行君

子之志於道也。不成章不達。達字可味。孔之為孔只是這一個。

孟子曰：雞鳴而起，孳孳為善者，舜之徒也；雞

鳴而起，孳孳為利者，蹠之徒也。承上段欲知舜與

蹠之分，無他利與善之間也。知字最要緊。

孟子曰：楊子取為我，拔一毛而利天下，不為

也。墨子兼愛，摩頂放踵利天下，為之，子莫

執中，執中為近之，執中無權，猶執一也。所

惡執一者，為其賊道也。舉一而廢百也。

文字最
玲瓏

孟子曰：飢者甘食，渴者甘飲，是未得飲食之

正也。飢渴害之也，豈惟口腹有飢渴之害

人心亦皆有害，人能無以飢渴之害為心

害，則不及，人不為憂矣。

孟子曰：柳下惠不以三公易其介。知已

孟子曰：有為者，辟若掘井，掘井九仞而不及

泉，猶為棄井也。為些恁來

孟子曰：堯舜性之也，湯武身之也，五霸假之

也久假而不歸可惡知其非有也

公孫丑曰伊尹曰予不狎于不順放太甲于

桐民大悅太甲賢又反之民大悅賢者之

為人臣也其君不賢則固可放與孟子曰

有伊尹之志則可此○志○字○斷○明○白○峻○無伊尹之志則莫也

公孫丑曰詩曰不素餐兮君子之不耕而食

何也孟子曰君子居是國也其君用之則

安富尊榮其子弟從之則孝弟忠信不素

蘇快

餐兮孰大於是

王子墊問曰士何事孟子曰尚志曰何謂尚

志曰仁義而已矣殺二○段○詳○說一無罪非仁也非其

有而取之非義也居惡在仁是也路惡在

義是也居仁由義大人之事備矣

孟子曰仲子不義與之齊國而弗受人皆信

之是舍簞食豆羹之義也人莫大焉亡親

戚君臣上下以其小者信其大者奚可哉

桃應問曰舜為天子臯陶為士瞽瞍殺人則
 如之何孟子曰執之而已矣然則舜不禁
 與曰夫舜惡得而禁之夫有所受之也然
 則舜如之何曰舜視棄天下猶棄敝蹠也
 竊負而逃遵海濱而處終身訥然樂而忘
 天下

孟子自范之齊望見齊王之子弟喟然歎曰居
 移氣養移體大哉居乎夫非盡人之子弟與

孟子曰王子宮室車馬衣服多與人同而
 王子若彼者其居使之然也況居天下之
 廣居者乎魯君之宋呼於埳澤之門守者
 曰此非吾君也何其聲之似我君也此無
 他居相似也

孟子曰食而弗愛豕交之也愛而不敬獸畜
 之也恭敬者幣之末將者也恭敬而無實
 君子不可虛拘

孟子曰形色天性也。惟聖人然後可以踐形。
齊宣王欲短喪，公孫丑曰：「為碁之喪，猶愈於已乎？」孟子曰：「是猶或終其兄之臂，子謂之姑徐徐云爾，亦教之孝弟而已矣。王子有其母死者，其傅為之請數月之喪，公孫丑曰：「若此者，何如也？」曰：「是欲終之而不可得也。雖加一日，愈於已，謂夫莫之禁而弗為者也。」
公孫丑又不
及幸予矣

孟子曰：君子之所以教者五。有如時雨化之者，有成德者有達財者，有答問者，有私淑艾者。此五者，君子之所以教也。
總前語
為眾人
分疏
公孫丑曰：「道則高矣，美矣，宜若登天然似不可及也。何不使彼為可幾及而日孳孳也？」孟子曰：「大匠不為拙工，改廢繩墨，羿不為拙射，變其轂率。君子引而不發，躍如也。中道而立，能者從之。」

孟子曰天下有道以道殉身天下無道以身殉道未聞以道殉乎人者也之殉身殉道語甚奇

公都子曰滕更之在門也若在所禮而不答何也孟子曰挾貴而問挾賢而問挾長而問挾有勲勞而問挾故而問皆所不答也滕更有二焉

孟子曰於不可已而已者無所不已於所厚者薄無所不薄也其進銳者其退速

已然如
以非算
計也

孟子曰君子之於物也愛之而弗仁於民也仁之而弗親親親而仁民而愛物

孟子曰知者無不知也當務之為急仁者無

不愛也急親賢之為務堯舜之知而不徧

物急先務也堯舜之仁不徧愛人急親賢

也不能三年之喪而總小功之察放飯流

歆而問無齒決是之謂不知務

論知性

此篇只一知性盡之矣。既知性，心何不盡？天何不知自然存心養性以事天也？自然天壽不貳，修身以俟，以立命也。若不知性，即存心養性亦非事天。天歿壽自要貳，自不能修身以俟，又安能立命也哉？故一知性，即知天而事天，立命舉統之矣。所以以下兩，立命也。孟子學力至此，亦微矣。存其心，養其性，天壽不二，修身以俟之，都是知性裡事。

論桎梏死

桎梏死非真死于枷鎖也。凡非盡其道而死，皆是耳。如何為盡其道？孔子所云聞道是也。孟子所云知性是也。故一則曰死，一則曰所以立命。二老俱到此矣。雖然

彼不聞道，不知性，亦身家之累為祟耳。何嘗不死于枷鎖也哉？可笑已。

論萬物皆備于我

問：這是怎么樣東西？曰：即下之所云誠所云仁是也。

論著察知

這是生人命根帶得來，又要將得去。緣何竟如是耶？孟夫子指示一番為人之心切矣。

論無所用恥

用字最妙。自家有恥而自家不用，如萬金之一錢不用也。

論過化存神

過化存神只是。一個行無轍迹耳。然神化。又從何來。還在至誠處。尋討至誠。與天地。合德。又何不。與天地同流。

論善政得民財

得民財。只是。足。更不必說。君無不。是。教之。事。

得民財。只是。足。更不必說。君無不。是。教之。事。

論如此而已矣

今人壞了。事只為。為其所不為。欲其所不為。欲我自家原明白。既不為矣。緣何又糊塗。為了我自家原明白。既不欲矣。緣何又糊塗。塗欲了。却不可笑。如今再無別法。只是無。

為其所不為。無欲其所不欲。如此而已矣。管你。不為禽獸。管你。定為聖人。都在此。而已矣。出。義字。大非。

論德慧術知

此命根也。而多。從。疾。疾。得之。正。所謂。生。乎。憂。患。也。人。若。沒。有。此。慧。此。知。生。亦。死。也。人。若。有。此。慧。此。知。死。亦。生。也。然。則。疾。疾。于。人。果。何。如。哉。不。必。有。疾。疾。而。常。如。有。疾。疾。更。為。慧。知。之。人。

論不愧不怍

不愧不怍。方是真樂。方可對父母兄弟。方。可。見。天。下。其。才。方。可。說。王。天。下。不。與。存。今。

徒。只。要。有。譬。如。昨。日。死。譬。如。今。日。生。之。心。
耳。而。欲。知。舜。與。蹠。之。分。知。字。更。契。緊。此。處。
明。白。安。有。孝。孝。為。利。之。理。

論執中無權

權。字。最。妙。即。所。云。道。也。然。道。字。猶。有。定。而。
權。字。却。無。定。而。未。嘗。不。定。應。為。我。而。為。我。
為。我。即。道。也。應。兼。愛。而。兼。愛。即。道。也。
總。之。一。權。而。已。矣。彼。見。為。我。為。道。便。見。兼。
愛。非。道。矣。彼。見。兼。愛。為。道。便。見。非。道。
矣。有。舉。有。廢。者。皆。無。權。故。也。三。家。獨。子。
莫。最。鶻。突。不。若。揚。墨。二。家。還。精。光。透。露。所。
以。二。家。傳。而。子。莫。不。傳。或。問。二。家。傳。曰。今。
之。道。釋。是。

論飢者甘食渴者甘飲

只。為。甘。字。壞。了。人。若。在。不。飢。渴。者。觀。之。方。
將。嘔。吐。之。不。遑。矣。乃。甘。之。乎。世。事。無。不。如。
此。可。憐。可。憐。或。問。如。何。方。不。飢。渴。曰。
既。醉。以。酒。既。飽。以。德。人。何。曾。飢。渴。來。

論有為者辟若掘井

人。且。思。之。有。為。者。為。些。恁。麼。
方。可。商。量。及。泉。不。及。泉。也。

論久假而不歸

五。霸。亦。有。性。亦。有。身。舍。却。自。家。的。甘。心。為。
假。的。不。深。負。此。性。此。身。乎。曰。不。歸。并。無。安。
身。立。命。之。地。矣。不。大。可。痛。乎。哉。如。今。一。切。
假。者。將。歸。乎。不。歸。乎。歸。則。其。家。尚。在。也。勿。

徒浪死
他鄉也

論尚志

士何志只是一個仁義而已矣。即大人之
事也。今之殺無罪取非有者。謂之有志乎。
無志乎。謂之大人乎。小人乎。士乎。

論是舍簞食豆羹之義也

你看孟子
何等眼力

論執之而已矣

而已矣者。再無第二法也。人多謂孟子此
等問頭。不必答他。不知胸中無真忠臣守

法之見與真孝子愛親之心者。決不能答
此挑應此等問頭。極妙。既得孟子議論。後
世為臣為子者。俱有所持循矣。

論夫非盡人之子與孟子曰

此孟子曰三字。張敬夫鄒志完俱以為羨
文殊不知文之神妙。蓋孟子既嘆而
又言也。吁。二先生號大儒。亦埋沒前人好
文。字何況今之俗。有司乎。後面突入魯君
一段。尤奇。孟子文字。每于此等處。擅場。

論踐形

踐形就是盡性。不說盡性而說踐形。蓋說
盡性。人又作道理看。過說踐形。則人人作

四書
自己身上
上事矣

論引而不發

說盡千古教法今禪家猶有之儒
家則說而又說反掩却人靈明矣

盡心章句下

二十五
論附後

孟子曰不仁哉梁惠王也仁者以其所愛及
其所不愛不仁者以其所不愛及其所愛
公孫丑曰何謂也梁惠王以土地之故糜
爛其民而戰之大敗將復之恐不能勝故
驅其所愛子弟以殉之是之謂以其所不
愛及其所愛也

孟子曰春秋無義戰彼善於此則有之矣征

惠子聞
之亦要
失笑

其如是
眼方好
讀書

者上伐下也。敵國不相征也。

斷得倒

孟子曰：盡信書則不如無書。吾於武成取二三策而已矣。仁人無敵於天下，以至仁伐至不仁，而何其血之流杵也。

孟子曰：有人曰：我善為陳，我善為戰，大罪也。國君好仁，天下無敵焉。南面而征，北狄怨；東面而征，西夷怨。曰：奚為後我？武王之伐殷也，革車三百兩，虎賁三千人。王曰：無畏。

寧爾也。非敵百姓也。若崩厥角，稽首征之。為言正也。各欲正已也。焉用戰。

孟子曰：梓匠輪輿能與人規矩，不能使人巧。孟子曰：舜之飯糗茹草也，若將終身焉；及其為天子也，被袵衣鼓琴，二女嬖若固有之。孟子曰：吾今而後知殺人親之重也。殺人之父人亦殺其父，殺人之兄人亦殺其兄，然則非自殺之也，一間耳。

孟子曰古之為關也將以禦暴今之為關也將以為暴今天下無一

孟子曰身不行道不行於妻子真不能行於妻子

孟子曰周于利者凶年不能殺周于德者邪世不能亂

孟子曰好名之人能讓千乘之國苟非其人簞食豆羹見於色畫出

孟子曰不信仁賢則國空虛無禮義則上下亂無政事則財用不足

孟子曰不仁而得國者有之矣不仁而得天下未之有也

孟子曰民為貴社稷次之君為輕是故得乎丘民而為天子得乎天子為諸侯得乎諸侯為大夫諸侯危社稷則變置犧牲既成粢盛既潔祭祀以時然而旱乾水溢則變

文字低
創見奇
談而又
註疏得
明白

置社稷

孟子曰聖人百世之師也伯夷柳下惠是也故聞伯夷之風者頑夫廉懦夫有立志聞柳下惠之風者薄夫敦鄙夫寬奮乎百世之上百世之下聞者莫不興起也非聖人而能若是乎而況於親炙之者乎在緣前好煞尾

孟子曰孔子之去魯曰遲遲吾行也去父母

孟子曰仁也者人也合而言之道也

國之道也去齊接淅而行去他國之道也

孟子曰君子之厄於陳蔡之間無上下之交也

貉稽曰稽大不理於口孟子曰無傷也士憎茲多口詩云憂心悄悄愠于羣小孔子也肆不殄厥愠亦不隕厥問文王也

孟子曰賢者以其昭昭使人昭昭今以其昏昏使人昭昭

孟子謂高子曰山徑之蹊間介然用之而成路爲間不用則茅塞之矣今茅塞子之心矣善說

高子曰禹之聲尚文王之聲孟子曰何以言之曰以追蠡癡曰是奚足哉城門之軌兩馬之力與明快

齊饑陳臻曰國人皆以夫子將復爲發棠殆不可復孟子曰是爲馮婦也晉人有馮婦

者法也搏虎卒爲善士則之野有衆逐虎虎負嵎莫之敢撓望見馮婦趨而迎之馮婦攘臂下車衆皆悅之其爲士者笑之

孟子曰口之於味也目之於色也耳之於聲也鼻之於臭也四肢之於安佚也性也有命焉君子不謂性也仁之於父子也義之於君臣也禮之於賓主也智之於賢者也聖人之於天道也命也有性焉君子不謂

命也

君子自有性命

浩生不害問曰樂正子何人也孟子曰善人也信人也何謂善何謂信曰可欲之謂善有諸已之謂信充實之謂美充實而有光輝之謂大大而化之之謂聖聖而不可知之之謂神樂正子却之中品四流之下也孟子曰逃墨必歸於楊逃楊必歸於儒歸斯受之而已矣今之與楊墨辯者如追放豚

既入其苙又從而招之

天地父母之心

孟子曰有布縷之征粟米之征力役之征君子用其一緩其二用其二而民有殍用其三而父子離

孟子曰諸侯之寶三土地人民政事實珠玉者殃必及身

盆成括仕於齊孟子曰死矣盆成括盆成括見殺門人問曰夫子何以知其將見殺曰

其為人也小有才未聞君子之大道也則足以殺其軀而已矣

孟子之滕館於上宮有業屨於牖上館人求之弗得或問之曰若是乎從者之廢也曰子以是為竊屨來與曰殆非也夫子之設科也往者不追來者不拒苟以是心至斯受之而已矣或人原說得是

孟子曰人皆有所不忍達之於其所忍仁也

即後之无字

人皆有所不為達之於其所為義也人能充無欲害人之心而仁不可勝用也人能充無穿窬之心而義不可勝用也人

申上意

無受爾汝之實無所往而不為義也士未可以言而言是以言餽之也可以言而不言是以不言餽之也是皆穿窬之類也

又用之類字

孟子曰言近而指遠者善言也守約而施博者善道也君子之言也不下帶而道存焉

君子之守修其身而天下平人病舍其田而芸人之田所求於人者重而所以自任者輕

孟子曰堯舜性者也湯武反之也動容周旋中禮者盛德之至也哭死而哀非為生者也經德不回非以干祿也言語必信非以正行也君子行法以俟命而已矣

孟子曰說大人則藐之勿視其巍巍然堂高

數仞椽題數尺波瀾我得志弗為也食前方丈侍妾數百人我得志弗為也般樂飲酒驅騁田獵後車千乘我得志弗為也統不為在彼者皆我所不為也字生下在我者皆古之制也吾何畏彼哉

孟子曰養心莫善於寡欲其為人也寡欲雖有存焉者寡矣其為人也多欲雖有存焉者寡矣

曾皙嗜羊棗而曾子不忍食羊棗公孫丑問
曰膾炙與羊棗孰美孟子曰膾炙哉公孫
丑曰然則曾子何爲食膾炙而不食羊棗
曰膾炙所同也羊棗所獨也諱名不諱姓
姓所同也名所獨也不問也罷

萬章問曰孔子在陳曰盍歸乎來吾黨之士
狂簡進取不忘其初孔子在陳何思魯之
狂士孟子曰孔子不得中道而與之必也

狂一亦進一亦狂乎狂者進取一亦狃者有所不爲也孔

豈不欲中道哉不可必得故思其次也敢

問何如斯可謂狂矣曰如琴張曾皙牧皮

者孔子之所謂狂矣何以謂之狂也曰其

志二嚶嚶然曰古之人古之人夷考其行而

不掩焉者也狂者又不可得欲得不屑不

潔之士而與之是三狃也是又其次也孔子

曰過我門而不入我室我不憾焉者其惟

傳鄉原之神

傳鄉原之貌

鄉原乎鄉原德之賊也曰何如斯可謂之鄉原矣曰何以是嚶嚶也言不顧行行不顧言則曰古之人古之人行何為踴踴涼涼生斯世也為斯世也善斯可矣闐然媚於世也者是鄉原也萬章曰一鄉皆稱原人焉無所往而不為原人孔子以為德之賊何哉曰非之無舉也刺之無刺也同乎流俗合乎汚世居之似忠信行之似廉潔

衆皆悅之自以為是而不可與入堯舜之道故曰德之賊也孔子曰惡似而非者惡莠恐其亂苗也惡佞恐其亂義也惡利口恐其亂信也惡鄭聲恐其亂樂也惡紫恐其亂朱也惡鄉原恐其亂德也君子反經而已矣經正則庶民興庶民興斯無邪慝矣

孟子曰由堯舜至於湯五百有餘歲若禹臯

陶則見而知之若湯則聞而知之由湯至
於文王五百有餘歲若伊尹萊朱則見而
知之若文王則聞而知之由文王至於孔
子五百有餘歲若太公望散宜生則見而
知之若孔子則聞而知之由孔子而來至
於今百有餘歲去聖人之世若此其未遠
也近聖人之居若此其甚也然而無有乎
爾則亦無有乎爾

論公孫丑曰何謂也

此非公孫丑問而孟子答也公孫丑欲發
揮其師之言以何謂也三字爲發端耳何
謂也以下諸語俱
是公孫丑之言

論若將終身及若固有之

舜并無此孟子特描畫之耳故下二若字
若將終身易若固有之難真大聖人也

論周于德

周字最妙見無一處不到也彼
以德受邪世之亂者未周故耳

論不信仁賢

既不信仁賢矣安得有禮義又有政事

論得國得天下

國與天下非二也。不可認作爲諸侯爲天子之說。既是不仁矣。如何可爲諸侯。或曰。當時諸侯都是不仁者。故緩言以斷其無得天下之理。若曰。欲合并天下。定須以仁。且彼等諸侯不久便爲秦所滅。到底幾時得國也。

論民爲貴

從來無如此快論。非真畱心。民命者。何以開此口。眼今人中得一進士。便視民如土。莽矣。豈知操汝生殺榮辱之天子。尚在此民之下也。耶。爲君爲臣者。俱不可不知此。

論奮乎百世之上

天下事。只在一奮而已。你看伯夷柳下惠。爲百世之師。亦從奮來。況不爲夷惠而願學萬世師。如孔子者乎。如何不奮。如何不奮。且當時孔子亦從發憤起腳。今人不奮。并其一世亦虛度矣。可憐。可憐。

論合而言之

此全責重在人上。只爲人都把仁字道字。作道理看過。故特指之曰。仁非他仁也。者人也。道亦非他合而言之道也。俱從人而得。各非人外有仁有道也。與人能弘道非道弘人一樣觀。

論憂心悄悄亦不殞厥問

上面無傷也。士憎茲多口。不過一時安慰。他非正論也。引詩全重在憂心悄悄。亦不殞厥問。二語正示以禦寒重裘。止謗自修之意。不然聞謗而怒。固非聞謗而喜。亦豈中道哉。不將流為介甫之不畏人言也耶。聖賢之學。正不如此。

論孔子也文王也

二也。字最妙。只為此二詩。原非文王孔子之事。今以歸之文王孔子。故曰文王也。孔子也。二也。字。然有神。

論馮婦

孟子曰。仁民之心。何如而乃畏笑而止耶。若此。發棠不可復得。如負隅之虎。搏之亦終不得耳。故引馮婦處。已逗漏了也。不然。孟子豈忍一國之哭。而乃為一身之笑而止耶。馮婦之所以為改行也。要善會之。或曰。衆皆悅之。亦明虎可得矣。如何說虎不可搏。日衆人何知。惟為士者預知其決不可搏耳。如發棠。衆何嘗以為不可耶。

論智之于賢者也。聖人之于天道也。

知如孔子。四十之不惑。天道如孔子。五十之知。知天命。君子不以為命。正不讓聖賢處也。或曰。難道孔子四十時尚賢而未聖耶。日孔子辨說若聖。與仁則吾豈敢子貢亦

以為將聖未敢決然以為聖也未到知天命地步恐不好便謂其聖也況一生下來就謂其聖孔子學知非生知之語亦誣矣且不惑知天命其境界原是判然不同勿不信孔子親口之言而信習聞習見之語也習聞習見不知誤了多寡豪傑若是真止丈夫還須自家揮出頭來

論聖而不可知之謂神

此何等地步耶正孔子耳順從心境界矣吾儒自有此家鄉而乃自家流落不犬可悲痛也耶今之兢兢修名以求人知者其品可知已若是真正聖神如何知得所以堯蕩蕩無名曰神堯禹負德衰之議為神禹也孔子亦曰莫我知也夫

論歸楊歸儒

外面泛看似墨之地步高却幾分緣何歸儒及在楊氏之後曰此等去處必親身經歷方知其漸予少年時亦頗以兼愛自負受累不少因杜門謝却一切間事今之見地意思又不然矣因此服孟夫子神立言也持此也凡經書有礙處定須親身經歷乃覩其真誰云歷事非讀書耶今人要向書本上紙堆裡討个明白幾時得明白也噫

論緩其二

即此一緩字天下萬世生靈已受却無窮恩澤矣吁為民牧者豈必減賜賑貸也耶

論小才大道

未聞大道饒他絕世奇木供命之日小存
才而已矣俱足以殺其軀而已矣然則大
道可不聞乎且問如何為
君子之大道却好思也

論無受爾汝之實

說至此及以言語以不言語則滿世界皆
穿窬矣非孟子精義之學何以論至此此
陶石貫兢兢以去偷心為學也彼漫受禪
家五戒而謂盜決不
犯者何足以語此

論堯舜性者也

此篇文字舊以動容八語為性者註疏君
子一節為反之註疏曾會一老僧于江上
蓋異人也渠止以動容二語為性者事哭
死六語及末節為反之事且謂煞尾而已
矣三字正與上面一非為二非以相應細
玩之文脉果然姑記于此以脩一見非謂
其必不可
從也

論古之制

若在我無古之制湯言藐大人恐終為巍
巍壓倒耳或問何為古之制曰得志弗為
處便是自古聖人豈不欲為之哉上念天
命下念民心有所制而不敢為耳凡天下
無制之人定是
無忌憚之小人

論寡欲

此正聖學之所以別也。此欲若竟欲無之，其病不小。如聖人之朝，何必盡去小人？只在朝而不見親用，自不敢為害。又如君子處世，何必盡絕小人？只不惡而嚴，小人自無處生活。欲也而竟欲絕之，則為害反不小矣。

論進取不忘其初

其初兩字最可玩味。人之本來，不長進之。事都是後來增入，今不覺其初，所以能進取也。若一忘其初，便視古如天，上矣。尚敢進而取之乎？何者？一種鄉原，心腸遍世界，都是我既為其漸染埋沒，不能出頭。

自然忘却本來面目，尚做得恁麼事。註以不改其舊解，大非。

論自以為是

觀其闔然媚于世處也。自內歎何敢自以為是，只是自家以為得計耳。

論經正

如太陽既出，人人有眼，那等魘魅罔兩，如何容得于青天白日之下。

論見知聞知

非真有，所見而知也。非真有所聞而知也。若有可見，便不見矣。若有可聞，便不聞矣。若有可知，便不知矣。總之，自見自聞，自知自知。要知知是歷聖相傳之脈，有志。

孟子下卷七 三

聖賢之學者可不求知之為兢兢乎然
此知也。不即聞見亦不離聞見。故曰見知
聞知。見聞未必知也。不見不聞未必不知
也。知然後可與語。聞見尚未可語。知
也。

論然而無有乎爾則亦無有乎爾

此一語周海門以中庸無聲無臭列之其
見微矣。謂見知聞知總無所見無所聞也。
王季和以孔子之後治統變為道統。帝道
變為師道。實無有乎爾也。見亦高。但玩上
文由孔子而來至于今百有餘歲去聖人
之世若此其未遠也。近聖人之居若此其
甚也。數語還是註解為的。但註猶似說其
以見知自任恐不然。觀其歷叙堯舜湯文

孔子以至於今則其以聞知自任已顯然
矣。非見知聞知有優劣也。見知猶似輔佐
而聞知則
為正主耳。

